



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԷՐԵՐՈՒՆԻ ՆՍՏԱՎԱՅԻՐ
(ՀՀ, համայնք ԵՐԵՎԱՆ, ԷՐԵՐՈՒՆԻ, ԽՈՐԵՆԱՑՈՒ Փ., մասնաշենք 162Ա)



Սույն փաստաթղթի իսկությունը հնարավոր է ստուգել <https://verify.e-gov.am> կայքում մուտքագրելով IE7B-737F-4FD2-9DC9 հսկիչ համարը կամ սքանավորելով QR կոդը:

ՈՐՈՇՈՒՄ
Հայցադիմումը վարույթ ընդունելու մասին

ԵԴ2/1534/02/26
18 Մայիսի 2026թ

ք. Երևան

ՀՀ Երևան քաղաքի ընդհանուր իրավասության քաղաքացիական դատարանը՝ նախագահությամբ դատավոր Դանիել Մխետյանի, քննության առնելով թիվ ԵԴ2/1534/02/26 քաղաքացիական գործով հայցադիմումը վարույթ ընդունելու հարցը.

ՊԱՐԶԵՑ

«Էկովիլ» ՍՊԸ-ն՝ ի դեմս ներկայացուցիչ Արսեն Անտանոսյանի, հայցադիմում է ներկայացրել Երևան քաղաքի ընդհանուր իրավասության քաղաքացիական դատարան ընդդեմ պատասխանող ՀՀ Բարձրագույն կրթության և գիտության կոմիտեի՝ հայցելով

1) Բարձրագույն կրթության և գիտության կոմիտեի կարիքների համար արևային պանելների տեղադրման աշխատանքների ձեռքբերման նպատակով գնահատող հանձնաժողովի 08.09.2025 թվականի թիվ 1 որոշմամբ հայտարարված թիվ «ԲԿԳԿԲՄԱԾՁԲ-25/46» ծածկագրով գնման ընթացակարգի գնահատող հանձնաժողովի կողմից 19.01.2026թ. կազմված թիվ 4 արձանագրու-թյամբ գնման ընթացակարգի շրջանակներում հաղթող մասնակցի հետ պայմանագիր չկնքելու և ընթացակարգը չկայացած

հայտարարելու մասին կայացված որոշումը ճանաչել անվավեր:

2) Որպես հետևանք՝ պարտավորեցնել թիվ «ԲԿԳԿ-ԲՄԱՇՁԲ-25/46» ծածկագրով գնման ընթացակարգի գնահատող հանձնաժողովին՝ «ԷկոՎիլ» ՍՊ ընկերությանը որոշել որպես գնման ընթացակարգի ընտրված մասնակից: Կայացնել պայմանագիր կնքելու մասին որոշում՝ «Գնումների մասին» ՀՀ օրենքի 36-րդ հոդվածի հիման վրա ընտրված մասնակցին ներկայացնելով պայմանագիր կնքելու առաջարկը և պայմանագրի նախագիծը:

Դատարանը 19.02.2026թ.-ին կայացրել է որոշում հայցադիմումը վերադարձնելու մասին:

Հայցվորը հայցադիմումը կրկին 24.02.2026թ.-ին ներկայացրել է դատարան:

Դատարանը 26.02.2026թ.-ին կայացրել է որոշում՝ հայցադիմումը վերադարձնելու մասին:

Դատարանի որոշման դեմ Հայցվորի կողմից ներկայացվել է վերաքննիչ բողոք, որի արդյունքում ՀՀ վերաքննիչ քաղաքացիական դատարանը 02.04.2026թ.-ին կայացրել է որոշում հետևյալ բովանդակությամբ՝ «1. Վերաքննիչ բողոքը բավարարել: Թիվ ԵԴ2/1534/02/26 քաղաքացիական գործով 26.02.2026 թվականի «Հայցադիմումը վերադարձնելու մասին» որոշումը վերացնել:

2. Դատական ծախսերի հարցը համարել լուծված (...):

Քաղաքացիական գործին դատավորի աշխատակազմը հասանելիություն է ստացել 14.05.2026թ.-ին:

ՔԴՕ 127-րդ հոդվածի 6-րդ մասի համաձայն՝ հայցադիմումը վերադարձնելու մասին որոշումը վերացվելու դեպքում առաջին ատյանի դատարանը հայցադիմումն ընդունում է վարույթ, եթե բացակայում են հայցադիմումի ընդունումը մերժելու հիմքերը, իսկ սույն օրենսգրքի 365-րդ հոդվածի 2-րդ մասով սահմանված անվերապահ բեկանման հիմքերից որևէ մեկով հայցադիմումը վերադարձնելու մասին որոշումը վերացվելու դեպքում առաջին ատյանի դատարանը հայցադիմումն ընդունում է վարույթ, եթե բացակայում են հայցադիմումի ընդունումը մերժելու կամ վերադարձնելու հիմքերը: Այս դեպքում հայցադիմումը համարվում է առաջին ատյանի դատարան ներկայացված այն սկզբնապես ներկայացնելու օրը:

Դատարանն արձանագրում է, որ բացակայում են ՔԴՕ 126-րդ հոդվածով սահմանված՝ հայցադիմումի ընդունումը մերժելու հիմքերը:

Դատարանն արձանագրում է, որ նաև, որ ներկայացված հայցը ենթակա է քննության ՔԴՕ 27.2 գլխի կանոններով սահմանված հատուկ հայցային վարույթի կարգով, որպիսի պարագայում՝ հիմք ընդունելով ՔԴՕ 234.6-րդ հոդվածը, անհրաժեշտ է պատասխանող ՀՀ Բարձրագույն կրթության և գիտության կոմիտեից պահանջել գնման գործընթացի հետ կապված պատասխանողի տիրապետման տակ գտնվող բոլոր ապացույցները:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 199-200-րդ հոդվածներով՝

ՈՐՈՇԵՑ

1. Հայցադիմումն ընդունել վարույթ և եզրափակիչ դատական ակտի հրապարակման օր սահմանել 16.06.2026 թվականին:
2. Պատասխանող ՀՀ Բարձրագույն կրթության և գիտության կոմիտեից պահանջել գնման գործընթացի հետ կապված պատասխանողի տիրապետման տակ գտնվող բոլոր ապացույցները:
3. Պարզաբանել կողմերին, որ`
 - ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո` հնգօրյա ժամկետում, և այդ ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:
 - վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրերով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը.
 - պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարիությունը իրենից անկախ պատճառ-ներով:
 - Հայցադիմումի պատասխանը կամ հայցային վաղեմություն կիրառելու մասին միջնորդությունը ներկայացվում է հայցադիմումը վարույթ ընդունելու մասին որոշումն ստանալուց հետո` հնգօրյա ժամկետում:
 - գործը դատական նիստում քննելու վերաբերյալ միջնորդությունը գործին մասնակցող անձը կարող է ներկայացնել մինչև հայցադիմումի պատասխան ներկայացնելու համար սահմանված ժամկետի լրանալը:
 - քաղաքացիական դատավարության օրենսգրքի 234.11 հոդվածի համաձայն` պատվիրատուի և գնահատող հանձնաժողովի գործողությունների (անգործության) և որոշումների (բացառությամբ «Գնումների մասին» Հայաստանի Հանրապետության օրենքի 6-րդ հոդվածի 2-րդ մասով նախատեսված որոշումների) բողոքարկումն ինքնաբերաբար կասեցնում է գնման գործընթացը` սույն օրենսգրքի 234.6-րդ հոդվածի 5-րդ մասով նախատեսված որոշումը հրապարակվելու օրվանից մինչև վեճի քննության արդյունքներով առաջին ատյանի դատարանի կայացրած եզրափակիչ դատական ակտն ուժի մեջ մտնելու օրը:

4. Որոշումն օրինական ուժի մեջ է մտնում կայացման պահից և ենթակա չէ բողոքարկման:

Դատավոր՝ Դանիել Մխեյան

Տվյալ ֆայլերին կարող եք ծանոթանալ նաև մուտք գործելով "[Էլեկտրոնային դատավարություն](http://cabinet.armlex.am)" համակարգ՝
cabinet.armlex.am